



農丈人詩集卷之四

目錄

廣陵別陸無從諸友二首

送齏丞屠田叔入閩時余補叅閩藩不能  
拜 命漫爾及之

僧有號叅竹者索余賦之遂成長句  
自昔一首示楊伯翼

古劍

司馬公餞別全諸君分韻得涯字

閬門逢素羽歸四明邀余叙別仍用涯字  
兼懷社中諸友

舟次睢寧因憶胡孝廉以是日北上  
彭城道中即事

魯橋村

舟中元夕

渡淮

入雍奴寄沈肩吾太史

楊村曉發

燕邸

賦得大石尊送楊公亮參議閩藩

且啜惠山泉水歌贈盛山人

張司馬公伐山望湖

雲間張虞侯過訪因贈并訊吳明甫戶曹

馬咸甫孝廉

贈屠緯真五旬生日

吳虎臣携尊褚園

贈戴德仲文學有序

送黔生

張司馬公壽日招游武陵

抵江乘

別國雍北上二首

芙蓉二首

初聞陝右之命偶占示田叔奉常二首

夏五訪文融即事二首

寓杞適徐令君譚梅禹金近以誦通上公

車志喜

送弟察東歸

應制題玄兎卷子十五韻

贈李處士

百花亭長歌為華園

范鴻臚奉詔滇南賦贈二首

送楊叔向參政閩藩叔向舊參八閩今再

起仍駐節延建云凡二章

石東泉給諫上書受杖削籍歸時余適試

公車悵馬懷贈

壽方母六旬母生辰蓋重陽前一日  
游阿育王寺

阿育王寺舍利

寄贈中丞崑崙張公巡撫宣鎮五首

偶題南陵縣齋五絕句

趙姬墓二首

送李廉甫節推鳳陽二首

送屠田叔醴丞還任閩中四首

送劉推府奔訃遼陽四首

贈葉叅知入賀

贈潘殷甫文學

朱汝虞廷尉守官介潔奄然遐棄兩方伯

溧陽史公海陽范公閔其貧為置田四

十畝賦此奉頌高誼

彥遠弟卜遷新宅奉賀近體一章

為袁應祺進士題杏花卷子三首

農丈人詩集目錄卷之四

書記周禮寫

農丈人詩集卷之四

古鄆余寅僧杲著

廣陵別陸無從諸友二首

伏火爍泰空狂波竟天外上顧真舒爽下顧增  
煩嘅憮茲疾疾嬰况乃滯盆塹清風揚景岑何  
時發嘉賴縱橫起焜煌儻失平生喟良友不自  
意聊樂江之介薦賞各所陳一談迅百快擬議  
都有經無慙古人在

其二

我友殷以惜存情何鬱紆申章各不淺大旨紛  
來料千里密同好意氣充長衢好鳥一失群旦  
暮相悲呼豐林亦云愜孤景寧歎愉笑語豈不  
溫愛與知者俱兩心誠有遠四體為之舒明晨  
懷苦辛不若立斯須

送饒丞屠田叔入閩時余補叅閩藩不能

拜命漫爾及之

大江浩浩露華白大扁呼風送潮發行雲欲歛  
忽晡霽可柰樽前半輪月憐君對酒頗不弱時

佐談鋒宛乎霄一旦量移到海邊不肯低眉稱  
落魄五尺身才百尺強高標颯颯松風長雙眼  
不識公與侯長揖之外無他腸有賦不登七寶  
床有經不講百福殿歌曾塞鼻人不聞巾曾折  
角人不羨前代聖書今令甲當途徃徃遭馮伯  
空聞拂拭萬珠璣剖向君前似肝鬲咄咄相看  
白髮新英雄到此俱逡巡我今已謝無諸國暢  
真勝事何嶙峋流螢點點綴君衣總為從前惜  
翠微芙蓉兩岫招搖去倘有羈魂後夜歸

僧有號參竹者索余賦之遂成長句  
吾聞浮筠之幹錯青紫磔翻雲沓空起檀藥  
切憂鍾磬鳴嬉游紛屬來僊趾何物必芻證淨  
域絕無緇絳應如是金光巨海若泰空豈必碑  
礫苑成壘我今試問蒼筤君日夕顧之抑何以  
已着放下梧桐花又忽拈花笑不止淨居天宮  
無上尊波娑羅雙樹宛其死幾人夜臺白如晝幾  
人火宅涼如水蒼筤蒼筤胡為耳君今顧力竟  
誰似前身或是迦闍子大象當時曾負爾

自昔一首示楊伯翼

自昔豪男子能無恨索居風雲驕若此日月驟  
何如赤彈遮人少黃金結客踈百川不到海那  
得號歸墟

古劍

神物自乾坤無言意氣尊劃雲看決絕傍斗見  
飛翻土蝕花成恨龍憑水作魂誰能甘睚眦不  
向此中論

司馬公餞別全諸君分韻得涯字



拜手上公家前旌紛彩霞  
山中人出祖江上客  
乘槎古木封微霰  
寒雲洹淺沙  
大廷倘相借  
未敢恨天涯

閩門逢素羽歸四明  
邀余敘別仍用涯字

無懷社中諸友

相逢吳子國相別麗人家  
舊自憐鄉曲貧猶過  
狹邪高情緣箇重新句  
得誰誇明白知君去無  
言寄海涯

舟次睢寧因憶胡孝廉以是日北上

涼月有何意哀鴻只自繁  
微茫開巨浸踈豁見  
平原澤氣秋天杳雲陰  
夜壑屯坐來超忽甚正  
爾憶飛翻

彭城道中即事

土霧暄秋重山嵐霏  
宵夜層培塿高自劇  
激浦急相仍歌石勞  
甘嚙迴沙駭善崩戶  
炊何用好蓼實亦堪登

魯橋村

半景臨墟隴雙榆關里門  
秋風吹卷陌落日散

鷄豚野外桑麻潤山中父老尊喧喧村釀集賽  
鼓正黃昏

舟中元夕

何地綠烟開宜人好月來他鄉逢節序良夜惜  
徘徊老自扶雙鬢狂誰盡一杯羈心與華燭不  
在九枝催

渡淮

不忍淮揚水湯湯萬里隨侵尋成駭路湍瀨足  
空陂戍鼓登陴急炊煙望屋遲玄圭并白馬歲

歲使人疑

入雍奴寄沈肩吾太史

記得長安淚雙垂大道邊肝腸盡一別淒斷已  
三年古堠懸秋月崇城倚暮天可憐敝裘馬又  
向薊門前

楊村曉發

涼月總踈踈催人上客車微茫窺道路嘈雜過  
村墟遙岼分冰壯空郊阻雪餘晚來看朔氣只  
讓與屠蘓

燕邱

一枝聊鷓息萬里謝鵬圖宛轉腸為結婆娑影  
自扶坐叅病羽客出控老髯奴盡日長松下輕  
塵覆綠蕪

賦得大石尊送楊公亮叅議閩藩

大石尊者越王宴集賓僚飲酒之尊也

今在閩之九仙山上

大石尊何磊砢一片鴻濛鍊色真縱橫歷錄蒼  
霞躡弁唇哆口腹更饒越王曾向青天驕醉眼

模糊指龜鼈豪心猛氣欺高颯即今漲海雄風  
死空留此物見竒詭無數山魃嘯草根蝦蟆躑  
躑據其耳時來更值新主人高懷頗足稱嶙峋  
放衙未了怒若恚滿前盡走觥錄事不顧玄瀝  
液不顧英瓊漿但挾殷紅十八娘一顆一盡一  
百觴掀髯咄咄差相當人生適意即爽塏富貴  
在前烏能待無諸小子今安在今朝髮白昨朝  
鬢真昨朝花發今朝墮阿誰束縛直甚窘獨醒之  
徒真可憫大石尊聊自哂

且啜惠山泉水歌贈盛山人

天晶晶日浩浩秋風廓落開長道與君携手登  
惠山斟酌清冷解懊惱我既謝樊籠君亦甘潦  
倒舊事淒涼瞥如掃人生坎壈常是多可能何  
物開懷抱山中有鳥泥滑滑得過且過聲更好  
莫說眼前無至寶請君日日向泉邊一飲一掬  
堪共老君不見兩人頭上俱衰草

張司馬公伐山望湖

伐木千章望望通一凌坦蕩大湖東  
寒衣未使

蒼茫隔照面能令睥睨空勝事不妨頻作祖後  
生何處揖高風勞勞鞭石當年者歎息于今定  
不同

雲間張虞戾過訪因贈并訊吳明甫戶曹

馮咸甫孝廉

看君眉宇故軒軒不合長埋在澤樊雲際珮來  
光可掇林端嘯罷響猶奔風塵若箇心期在湖  
海如今面孔存泖上雙珠堪照乘空多聲價滿  
江門

贈屠緯真五旬生日 緯真好道故有霞  
宮之云

文昌星精煒何燭初祝鸕鷀五旬杓竹籜僊冠  
歲委迤玉鴻帝硯日旁礪脩脩獨鶴引吭長漠  
漠蒼松偃蓋廓早晚霞宮結藥珠莫漫空函贊  
聊略

吳虎臣携尊褚園

空將華髮逐他鄉更為名園坐晚涼獸石偏憐  
人睥睨高松寧解世蒼茫樓臺半入滄浪色鳥

嶼全飛杖杜香季重年來頻廢酒都無清興佐  
倡狂 時虎臣有酒戒

贈戴德仲文學 有序

德仲尊人水部公與其兄三先生俱甲  
第通顯千古罕匹而水部公乃翁儒紳  
古德寔開毓諸彥德仲是年六旬輒備  
陳之不及祝言於是俚拙遂覺彌多

盛事當時萃一門呂梁使者 勅書尊黃河此  
日猶清在小戴于今有聖存翠栢枝頭聲自切

紫荊花下語長溫祖翁故研真嘉璧傳到君前  
第幾孫

送黥生

大江黯黯意何長二十年來事渺茫世外定誰  
憐翫麟風前猶自詫肝腸梅銷舊壘仍秋草黃  
芮荒廬幾夕陽今日新都誰競爽大鄣靈氣倘  
迴翔

張司馬公壽日招游武陵

秋色晚逾開蒼茫靜綠苔言追靈壽杖不住叵  
蕩不知裁

抵江乘

蕭瑟古江乘涼風日夜生荒池并斷壟謝墅與  
檀城舊事海潮去新愁野燒明墓旁花爛熳正  
憶卞忠貞

別國雍北上二首

此際復何語此中那不歡一朝逢我易千里別  
君難握手當江滸論心正歲寒無勞頻悵望前

路尚漫漫

熟計無通路深冬有問程與君愁到別空老作  
何名萬樹風吹盡千巘雪築成旁人笑顏駟又  
索薊門行

芙蓉二首

艷重寧為有問來淡欲無水知雲不染秋忘月  
長孤已絕三千衆猶輕十五都溫柔鄉總好未  
敢命前驅

繁露下天孫娟娟靜可論香無饒玉珮光自醺

華軒薄粉寧須假驕朱未假尊關關聽執手鳥為  
爾醉芳魂

初聞陝右之命偶占示田叔奉常二首

隱去我曾云今朝計不分一身羈似束兩地戰  
如焚飄忽風中土低四原上雲深衷良自苦灑  
泣鬼神聞

幾年京國事鬱肆在胷中祇為耽閒秩無由奮  
薄忠不鑷從髭白長鳴任耳聾平生餘勇在一  
向故人雄

夏五訪文融即事二首

煩囂不到門間寂似江村  
遲我乘潮至多君卓  
午論千秋存委巷萬事待臨軒  
業竹知人語風來不覺翻

夙昔亦何忒懷人不可裁  
驚看梅子熟笑指棟  
花開世大終難寄天高斷可回  
山中有鷓鴣莫漫託深杯

寓杞適徐令君譚梅禹金近以誦通上公

車志喜

梅生無恙在慰藉故難量  
冠與高雲切衣仍宛  
地長文昌司大命太乙借餘光  
喜劇巖廊上諸生姓字揚

送弟察東歸

客路逢吾在鄉心為汝繁  
百年雙淚盡萬里一身存  
負笈聊塵世驅車復里門  
大江一以送飄泊不須論

應制題玄兎卷子十五韻

帝座靈臺暇皇披異質  
明自天勞拂拭應月與



生成色正當宸極賜高屬上京圃知玄氣積澤  
想洵光生似矯纁旂繞猶馴黜輅迎堅縻留作  
闕純漆點為晴在野原幽翔于遠更穆清彤庭  
憐自好髯殿撫初呈葉密僊人杖花芬神女嬰  
且從窺燧影未微遁環形占律經千紀旋魁配  
五行睿情欣泰運秘錄啟王正長跼開瑤軸分  
題指玉衡 至尊無別矚篤眷在嘉貞敢問雄  
相舐寧論窟獨營

贈李處士

吾聞聖代置惇史高標特行風州里後生不敢  
稱鴈行至今袒割勞天子此道如今棄若塵乞  
言之事誠嶙峋朝廷存問時時有何曾一及蒿  
萊人所以李君躋大耋曠然歎卧煙霞窟老眼  
摩娑九十年萬事如風吹一呖曾聞太守賓右  
筵又聞縣令徵詩篇縣令朱君我家厚恨不談  
君縣令前冀盭龐耘邠更睹梁鴻何用離鄉土  
五色雲光高可藏相從束髮賢人聚如君有道  
不為貧已聞縣令復君身尋常一毛亦帝力况

廼篤祐真紛綸若木之枝竟何處朝朝扶日升  
天路此事荒唐詎可論請看君家老椿樹

百花亭長歌為華園

滄洲晶森遵何渚玄圃周遭規作墅有美丰神  
窠軒舉夢寐蓬壺游帝籞長代天公渙零滑靈  
苗異穎紛如旅白纈紅瑄并黃拒一笑顧之真  
解語雨傲風舞月延佇娉婷在幄貫在序柰可  
禁當數對汝摠付千巡呼酋醕佐以清揚歌激  
楚

范鴻臚奉詔滇南賦贈二首

天子垂衣總萬邦詔書十道擁飛幢高憑日月  
迴蕃部歎護風雲過麗江地極牂牁千徼合雪  
深瘴癘萬山降不須開府看英蕩使者占星已  
自雙

龍章遙下金函重虎旅傳呼玉節新絕域總驚  
天咫尺蠻方初識帝絲綸風旋萬落開秦路  
雷動千麾渡漢津今日皇圖真廣大無勞更祀  
碧鷄神

送楊叔向參政閩藩叔向舊參八閩今再  
起仍駐節延建云凡二章

襜幃曾識荔枝丹舊使君仍戴法冠千社已成  
都嶮巘十年不改步邯鄲旌麾雲捲秋巖淨鏡  
吹風迴漲海寬此日將離無處覓贈君滿握翠  
琅玕

沉醉何妨發歎竒送君猶恨用君遲掀髯湖海  
多相詫屈指乾坤竟是誰小醜幾時伸廟略大  
盈無計慰宸私野人何與天家事臨到潮來不

可支

石東泉給諫上書受杖削籍歸時余適試  
公車悵焉懷贈

萬死憐君灑淚看昨朝初挂惠文冠時平猶自  
危明主恩重何須食大官遠樹低空看馬去  
驚沙吹雨向人寒更煩相國能存問珍重孤臣  
好自寬

聞某相國贈銀甌二云可貯藥也給諫  
拒不受

壽方母六旬母生辰蓋重陽前一日  
未瞻令母識郎君曾共天涯憶暮雲已分百年  
稱永畢肯令一子遂無聞內家未掛茱萸佩南  
極先遺錦繡裙莫道向來華轂盡祖宗風度尚  
氤氳

游阿育王寺

登登覺路寶幢平有竹扶人自在行不盡秋風  
吹古瓦半空曾放大光明高峰爽氣孤亭得九  
月寒空萬里清天地幾人逃幻劫不妨今日拂

衣輕

阿育王寺舍利

西來舍利有還無金碧莊嚴極海隅萬里從分  
初地果千人真說戒壇珠浮圖寂寂燈猶朗法  
衆紛紛鼓自趨靈雨乍收清梵徹香花吹落白  
毳毼

寄贈中丞嵒岫張公巡撫宣鎮五首

虎符曾轄大江南練甲三千白晝酣 天子一  
朝思李牧十年龍劍再開函

九重北顧正如焚鎖鑰如今寄到君上谷年來  
誰家烈飛將軍後寂無聞

張奐行兵捷有神白龍堆上望胡塵諸營新結  
長蛇陣來歲黃幡正在辰

自從飛燾捲天聲夜夜旄頭不敢明決却雙眚  
看獸石要將鯨觀與山平

長得天驕作外藩國門匍匐廟謨尊書生只合  
銘功德不合私將塞事論

偶題南陵縣齋五絕句

春深那敢恨蹉跎花影悠悠滿綠莎散罷午衙  
無一事自憐鵠鷓鳥聲多

青天無語理桐絲起視堂皇晝影遲彈到幽蘭  
淒絕處雲中玄鶴舞差池

當時畚鍤總如雲今日農歌處處聞青弋江頭  
人共說使君容易坐斜曛

踈篁窸窣舞檀欒笑指東風試籜冠今日不曾  
輕縱筆酒杯應比舊時寬

尋常書幌不曾開只有黃鸝取次猜認得花陰

過幾尺殷勤索報主人回

趙姬墓二首

竹樹蕭蕭暮雨哀  
青鸞去遠客重來  
秋風一騎空回首  
稍掬清冷薦夜臺  
空將芳意遣蹉跎  
地上相逢地下多  
青火至今埋不盡  
一燈昏黑下藤蘿

送李廩甫節推鳳陽二首

海薄峰迴龍虎扶  
古塗山國是中都  
此間父老今何似  
定憶高皇舊賜醕

都梁山上故宮非  
只有香風滿路輝  
此物至今堪作佩  
憑君采擷當靈飛

送屠田叔齏丞還任閩中四首

花塢參差起棹謳  
蹉跎又上木蘭舟  
紅亭綠樹多情思  
鶗鴂春深怨未休

芳草萋萋滿道周  
王孫行處不曾愁  
七閩只較三千里  
縱是天涯未盡頭

不少知音傍綠尊  
海潮無恨出江門  
如今只作紅塵去  
白石幽蘭且莫論

下捷何知歲月寬偶然出郭一盤桓酒杯影裡  
是何物不敢分明拍籜冠

送劉推府奔訃遼陽四首

素旒離迷下海門故衣何處好招魂楊花無那  
漫天起點着斑斑盡淚痕

一夜酸風渡若邪濕雲淒斷在天涯江壩多少

倉皇淚灑遍山中躑躅花

雨中飛鷓已乘潮雨外芳蘭空自遙誰說石帆  
賜不得江天黯黯路蕭蕭

盡道神羊到海隅傷心萬里失慈烏贈君七尺  
桃枝杖彊為蒼生善自扶

贈葉叅知入賀

萬靈驥北首千騎擁南鑣嚴仗渾疑切華旂迥  
自遙憑空瞻太乙取次遡神霄莫漫驚雙闕常  
年學鳳朝

贈潘殷甫文學

林宗巾自墊彭澤履曾捫豈不青衿重由來白  
恰尊殘編讎歲月古屋贊乾坤歷歷占星象憑

誰聚德門

朱汝虞廷尉守官介潔奄然遐棄兩方伯  
溧陽史公海陽范公閔其貧為置田四  
十畝賦此奉頌高誼

灑泣寒空不盡哀幾人扶義到蒿萊高天不庇  
英雄老厚土空煩雨露培壙墓有靈懸劍在泉  
壤無語東芻來津津俠烈都會說容易聲光徧  
九垓

彥遠弟卜遷新宅奉賀近體一章

繇余自昔尊吾祖向用如今頌爾孫直跨大江  
開闕閤遙從玄圃種蘭蓀潁川親署高陽里北  
海新題通德門金埒寶鏹俱長物抑之篇誦即  
崑侖

為袁應祺進士題杏花卷子三首

金鑣散作葩袿服照成楮擾擾陌上人誰非爛  
熳者

我謝長安風子醉長安日人生各有時何悟遂  
相失



卷之四  
閩說明光殿栽培得幾株榮名與嘉類還共栢  
梁俱

西之大人詩集卷之四

書記用禮

